

巢氏

病源候論

卷六之廿

蠱毒 二十七論

目病 三十八論

唇口 十七論

血病 九論

鼻病 十一論

咽喉心膈 十一論

毛髮 十三論


耳病 九論

四肢 十四論

面體

牙齒

中武 9
136
6



門 武
136
卷 6



卷之三十六

○蠱毒等病諸候下 凡二十七論

解諸毒候

解諸藥毒候

服藥失度候

諸飲食中毒候

食諸肉中毒候

食牛肉中毒候

食馬肉中毒候

食六畜肉中毒候

食六畜百獸肝中毒候

食麇肉中毒候

食狗肉中毒候

食猪肉中毒候

食射鵀肉中毒候

食鴨肉成病候

食漏脯中毒候

食魚鱠中毒候

病原卷三十六

目錄

食諸魚中毒候

食鱸魚肝中毒候

食鯊鮫魚中毒候

食蟹中毒候

食諸菜蕈菌中毒候

食諸蟲中毒候

飲酒大醉連日不解候

飲酒中毒候

飲酒腹滿不消候

惡酒候

飲酒後諸病候

食牛肉中毒候

食野果中毒候

食野菜中毒候

食野果中毒候

食野果中毒候

重刊巢氏諸病源候總論卷之二十六

蠱毒病諸候下

凡二十七論

解諸毒候

凡藥有_レ大毒不可_レ入口鼻耳目即殺人者_一

一曰鈞吻生朱崖二曰鴉又名鴟曰狀如黑雄雞生山中

三曰陰命赤色著木懸其子生山海四曰海薑狀如龍

赤色生海中五曰鴟羽狀如雀黑項赤喙食螭蛇生海

內但被此諸毒藥發動之狀皆似勞黃頭項強直背痛

而欲寒四支酸灑手悴色枯肌肉纏急神情不樂又欲

似瘡病或振寒如瘧或壯熱似時行或吐或利多舌頭

痛又言人齒色黑舌色赤多黑少並著藥之候也嶺南

俚人別有不強藥有藍藥有焦銅藥金藥菌藥此五種

藥中久者亦能殺人但此毒初著人不能知欲知是毒

非毒者初得便以灰磨洗好熟銀令淨復以水楊枝洗
口齒令此銀一宿即明且吐出看之銀黑者是不強藥
銀青黑者是藍藥銀紫斑者是焦銅藥此三種但以不
強藥最急毒若熱酒食裏著者六七日便覺異若冷酒
食裏著經半月始可知耳若含銀銀色不異而病候與
著藥之狀不殊心疑是毒欲得即知者可食鯉魚鱸食
竟此毒即發亦空腹取銀口含之可兩食頃出著露下
明且看銀色若變黑即是藥毒又言取雞子煮去殼令
病人齒齧雞子白處亦著露下若齒齧痕處黑即是也
又言寬四大不調即須空腹食炙雞炙鴉等肉觸犯
令藥發即治之便痊若久不治毒侵腸胃難復攻治若
定知著藥而四大未瀰者取大戟長三寸許食之必大

吐利若色青者是焦銅藥色赤者是金藥吐菌子者是
菌藥此外雜藥利亦無定色但小異常利耳又有兩種
毒藥並名當孤草其一種甚入時脉浮大而洪病發時
齒々惡寒頭微痛乾嘔背迫急口噤不覺嚙舌大小便
秘澀眼匡唇口指甲顏色皆青是也又一種當孤草毒
者其病發時口噤而乾舌不得言咽喉如錐力刺胸中
甚熱臍腫滿不至百日身體唇口手脚指甲青而死又
著烏頭毒者其病發時咽喉強而眼睛疼鼻中艾臭手
脚沉重常嘔吐腹中熱悶唇口習々顏色乍青乍赤經
百日死凡人若色黑太骨及肥者皆胃厚則勝毒若瘦
者則胃薄不勝毒也

解諸藥毒候 凡藥物云有毒及有大毒者皆能變亂於

人為害亦能殺人但毒有大小自可隨所犯而救解之
但著毒重者亦令人發病時咽喉強直而兩眼睛疼鼻
乾手脚沉重常嘔吐腹裏熱悶唇口習々顏色乍青乍
赤經百日便死其輕者乃身體習々而痺心胃涌々然
而吐或利無度是也但從酒得者難治言酒性行諸血
脉流徧周體故難治因食得者易愈言食與藥俱入胃
胃能容雜毒又逐大便泄毒氣毒氣未流入血脉故易
治若但覺有前諸候便以解毒藥法救之

食鮮鮓魚中毒候 此魚肝及腹內子有大毒不可食食
之往往致死

食蟹中毒候 此蟹食水荳水荳有大毒故蟹亦有毒中
其毒則悶亂欲死若經霜已後遇毒即不能害人未被

霜蟹煮食之則多有中毒令人悶亂情神不安

食諸菜蕈菌中毒候 凡園圃所種之菜本無毒但蕈菌
等物皆是草木變化所生出於樹者為蕈生於地者為
菌並是鬱蒸濕氣變化所生故或有毒者人食遇此毒
多致死甚疾速其不死者猶能令煩悶吐利良久始醒
食諸蟲中毒候 野菜芥苳之類多有毒蟲水蛭附之人
誤食之便中其毒亦能悶亂煩躁不安

飲酒太醉連日不解候 飲酒過多酒毒漬於腸胃流溢
經絡使血脉充滿令人煩毒昏亂嘔吐無度乃至累日
不醒往往有腹背穿穴者是酒熱毒氣所為故須搖動
其身以消散也

飲酒中毒候 凡酒性有毒人若飲之有不能消便令人

煩毒悶亂其湯熨針石別有正方補養宜導今附於後
養生方云正坐仰天呼出酒食醉飽之氣出氣之後立
飢且醒

飲酒腹滿不消候 夫酒性宜通而不停聚故醉而後醒
隨血脈流散故也今人有采衛杏澀痰水停積者因復
飲酒不至大醉大吐故酒與痰相搏不能消散故令腹
滿不消

惡酒候 酒者水穀之精也其氣慄悍而有太毒入於胃
則酒脹氣逆上逆於胃內醜於肝膽故令肝浮膽橫而
狂悖變怒失於常性故云惡酒也

飲酒後諸病候 酒性有毒而復大熱飲之過多故毒熱
氣滲溢經絡浸溢腑臟而生諸病也或煩毒壯熱而以

傷寒或酒浙惡寒有同溫瘧或吐利不安或嘔逆煩悶
隨臟氣虛實而生病焉病候非一故云諸病

服藥失度候 凡合和湯藥自有限劑至於圭銖分兩不
可乖違若增加失宜便生他疾其為病也令人吐下不
已嘔逆而悶亂手足厥冷腹痛轉筋久不以藥解之亦
能致死速治即無害

諸飲食中毒候 凡人往往因飲食忽然因悶少時致甚
乃至死者名為飲食中毒言人假以毒物投食裏而殺
人但其病類內或懸癰內初如酸棗大漸々長大是中
毒也急治則差久不治毒入腹則死但診其脉浮之無
陽微細而不可知者由毒也

食諸肉中毒候 凡可食之肉無甚有毒自死者多因疫

氣所斃其肉則有毒若食此毒肉便令人困悶吐利無度是中毒

食牛肉中毒候 凡食牛肉有毒者由毒蛇在草牛食因

誤噉蛇則死亦有蛇吐毒著草牛食其草亦死此牛肉則有大毒又因疫病而死者亦有毒食此牛肉則令人心悶身體痺甚者乃吐逆下利腹痛不可堪因而致者非一也

食馬肉中毒候 凡駿馬肉及馬鞍下肉皆有毒不可食

之食之則死其有凡馬肉則無毒因疫病死者肉亦有此毒此毒中人多洞下而煩亂

食六畜肉中毒候 六畜者謂牛馬猪羊鷄狗也凡此等肉本無毒不害人其自死及著疫死者皆有毒中此毒

者亦令人心煩悶而吐利無度

食六畜百獸肝中毒候 凡禽獸六畜自死者肝皆有毒

不可食往々傷人其疫死者彌甚被其毒者多洞利嘔吐而煩悶不安

食齶肉中毒候 齶肉毒者謂諸生肉及熟肉內罌口中密

閉頭其氣壅積不泄則為齶肉有毒不幸而食之乃殺入其輕者亦吐利煩亂不安有哺灸之不動得水而動食之亦殺人

食肉中毒候 凡狗肉性甚躁熱其疫死及狂死者皆

有毒食之難消故令人煩毒悶亂

食猪肉中毒候 凡猪肉本無毒其野由間放或食雜毒物而遇死者此肉則有毒人食之則毒氣攻藏故令人

吐利困悶不安

食射肉中毒候 射獵人多用射肉藥塗箭頭以射蟲鹿傷皮則死以其有毒故也人獲此肉除箭處毒肉不盡食之則被毒致死其不死者所誤食肉處去毒箭遠毒氣不深其毒則輕雖不死猶能令人困悶吐利身體痺不安肉藥者以生鳥頭搗汁日作之是也

食鴨肉成病候 鴨肉本無毒不能換人偶食觸冷不消因結聚成腹內之病

食漏脯中毒候 凡諸肉脯若為久故茅草屋漏所濕則有大毒食之二三日乃成暴癘不可治亦有即殺人者凡脯炙之不動得水則動亦殺人

食魚鱸中毒候 凡人食魚鱸者皆是便生冷之物食之

甚利口人多嗜之食多則難消化令人心腹否滿煩亂不安

食諸魚中毒候 凡食諸魚有中毒者皆由魚在水中食毒蟲惡草則有毒人食之不能消化即令悶亂不安也

食鱸魚肝中毒候 此魚肝有毒人食之中其毒者即面皮剝落雖爾不至於死

重刊巢氏諸病源候總論卷之二十六終

卷之三十七

○血病諸候

凡九論

吐血候

吐血虛熱胸中否口燥候

嘔血候

唾血候

舌上出血候

大便下血候

小便血候

九竅四肢出血候

汗血候

○毛髮病諸候

凡十三論

鬢髮禿落候

令生鬢候

白髮候

令長髮候

令髮潤澤候

鬚黃候

火燒處髮不生候

白禿候

鬼餓頭候

○面體病諸候

蛇身候

面疔黧候

嗣面候

髮黃候

令生眉毛候

令毛髮不生候

赤禿候

凡五論

面皰候

酒皰候

重刊巢氏諸病源候總論卷之二十七

血病諸候

凡九論

吐血候 夫吐血者皆由大虛損及飲酒勞損所致也但肺者五藏上蓋也心肝又俱主於血上焦有邪則傷諸藏藏傷血下入於胃胃得血則悶滿氣逆氣逆故吐血也但吐血有二種一曰內衄二曰肺疽三曰傷胃內衄者出血如鼻衄但不從鼻孔出是近心肺間津出還流入胃內或如豆汁或如衄血凝滯胃裏因即滿悶便吐或去數升乃至一斛是也肺疽者言飲酒之後毒滿便吐吐已後有二三合或半升一升是也傷胃者是飲食太飽之後胃內冷不能消化則便煩悶強嘔吐之所食之物與氣共上衝蹶因傷損胃口便吐血色鮮正赤

是也凡吐血之後體恒憊々然心裏煩躁悶亂紛紛顛
倒不安寸口脉微而弱血氣俱虛則吐血關上脉微而
芤亦吐血脉細沈者生喘欬上氣脉數浮大者死久不
瘥面色黃黑無復血氣時寒時熱
養生方云思慮傷心心傷則吐血發則髮焦也

吐血後虛熱胃中否口燥候吐血之後藏府虛竭榮衛

不理陰陽隔絕陽虛於上故身體虛熱胃中否則口燥

嘔血候夫心者主血肝者藏血怒憂思慮則傷心志怒

氣逆上而不下則傷肝肝心二藏傷故血流散不止氣

逆則嘔而出血

唾血候唾血者由傷損肺肺者為五藏上蓋易為傷損

若為熱氣所加則唾血唾上如紅縷者此傷肺也脇下

痛唾鮮血者此傷肝關上脉微芤則唾血脉沈弱者生
牢實者死其湯熨針石別有正方補養宜導令附於後
養生方導引法云伸兩脚兩手指著足五指上愈腰折
不能低若唾血久疼為之愈長伸兩脚以兩手捉五指
七遍愈腰折不能低仰若唾血久疼血病久行身則可
卷轉也

舌上出血候心主血脉而候於舌若心藏有熱則舌上

出血如涌泉

大便下血候此由五藏傷損所為藏氣既傷則風邪易

入熱氣在內亦大便下血鮮而腹痛冷氣在內亦大便

血下其色如小豆汁出時澀而不甚痛前便後下血者

血來遠前下血後便者血來近遠近者言病在上焦下

焦也令人面無血色時寒時熱脉浮弱按之絕者下血
小便血候 心主於血與小腸合若心家有熱結於小腸
故小便血也下部脉急而弦者風邪入於少陰則尿血
尺脉微而芤亦尿血

養生方云人食甜酪勿食大酢必變為尿血

九竅四支出血候 凡榮衛大虛府藏傷損血脉空竭因
而志怒失節驚忿過度暴氣逆溢致令滕理開帳血脉
流散也言九竅出血喘欬而上氣逆其脉數有熱不得
卧者死

汗血候 肝藏血心之液為汗言肝心俱傷於邪故血從
膚腠而出也

髮毛病諸候

凡十三論

髮髮赤落候 足少陽膽之經也其榮在鬚足少陰腎之
經也其華在髮衝任之脉為十二經之海謂之血海其
別絡上唇口若血盛則榮於頭髮故鬚髮美若血氣衰
弱經脉虛竭不能榮潤故鬚髮赤落

養生方云熱食汗出勿中風令髮墮落其湯熨針石別
有止方補養宜導今附於後

養生方云欲理髮向王地既櫛髮之始而微咒曰泥丸
玄華保精長存左為隱月右為日根六合清煉百神受
恩咒畢嚙唾三過能常行之髮不落而生

又云當數易櫛之取多不得使痛亦可令侍者櫛取
多血液不滯髮根常牢

令髮生髮候 手陽明為大腸之經其支絡缺盆上頸貫頰

入下齒間鬚者是血氣之所生也若手陽明之經血盛則鬚美而長血氣衰少則不生

百髮候

足少陰腎之經也腎主骨髓其華在髮若血氣

盛則腎氣強腎氣強則骨髓充滿故髮潤而黑若血氣

虛則腎氣弱腎氣弱則骨髓枯竭故髮變白也其湯髮

針石別有正方補養宜導令附於後
養生方導引法云解髮東向坐握固不息一通舉左右

脈也

又云清白初起左右手交叉從頭上挽兩耳舉又引鬚

髮即流通

又云坐地直兩脚以兩手指脚脛以頭至

地調脊諸椎利髮根令長美坐舒兩脚相去一尺以扼

脚兩脛以頂至地十二通調身脊無患害致精氣潤澤

髮根長美者令青黑柔濡滑澤髮恒不白

又云伏解

髮東向握固不息一通舉手左右導引掩兩耳令髮黑

不白伏者雙膝著地額直至地解髮破髻舒頭長敷在

地向東者向長生之術握固兩手如嬰兒握不令氣出

不息不使息出極悶已三噓而長細引一通者一為之

今此身囊之中滿其氣引之者引此舊身內惡邪伏氣

隨引而出故名導引舉左右手各一通掩兩耳塞鼻孔

三通除白髮患也

又云蹲踞以兩手拳足五趾抵頭

自極則五臟氣徧至治耳不聞目不明久為之則令髮

白復黑

又云正月十日沐髮髮白便黑

又云子過

梳頭頭不白

又云

正月一日取五杳煮作湯沐頭不

白 又云十日沐浴頭不白 又云十四日沐浴令齒

牢髮黑 又云常向本命梳髮之始叩齒九通陰究白

太常散靈五老反真泥丸玄華保精長存左廻拘月右

引日根六合清煉百疾愈因咽唾三過常數行之使人

齒不痛髮牢不白一云頭腦不痛 又云思心氣上下

四布正赤通天地自於大且長令人氣力增益髮白更

黑齒落再生 今長髮候 髮是足少陰之經血所榮也血氣盛則髮長

美若血虛少則髮不長須以藥治之令長

今髮潤澤候 足少陰之經血外養於髮血氣盛髮則光

潤若虛則血不能養髮故髮無潤澤也則須以藥令其

潤澤

髮黃候 足少陰之經血外養於髮血氣盛髮則潤黑虛

竭者不能榮髮故令髮變黃

髮黃候 足少陽之經血外榮於鬚血氣盛鬚則美而長

若虛少不足不能榮潤於外故令鬚黃

今生眉毛候 足太陽之經其脉起於目内眥上額交巔

血氣盛則眉美有毫血少則眉惡又眉為風邪所傷則

眉脫皆是血氣傷損不能榮養故須以藥生之

火燒處髮不生候 夫髮之生血氣所潤養也火燒之處

瘡痕緻密則氣血下沈不能榮宣腠理故髮不生

今毛髮不生候 足少陰之血氣其華在髮足太陽之血

氣盛則眉美足少陽之血氣盛則鬚美足陽明之血氣

盛則髮美手陽明之血氣盛則髭美諸經血氣盛則眉

鬚髮類髮美澤若虛少枯竭則變黃白悴禿若風邪乘其
經絡血氣改變則異毛惡髮妄生也則須以藥傳令不
生也

白禿候 凡人皆有九蟲在腹內值血氣虛則能侵食而
燒蟲發動最能生瘡乃成疽癬癩疥之屬無所不為言
白禿者皆由此蟲所作謂在頭生瘡有蟲白痴甚痒其
上髮並禿落不生故謂之白禿

赤禿候 此由頭瘡蟲食髮禿落無白痴有汗皮赤而痒
故謂之赤禿

鬼蝨頭候 人有風邪在於頭有偏虛處則髮禿落肌肉
枯死或如錢大或如指大髮不生亦不痒故謂之鬼蝨
頭

面體病諸候

凡五論

蛇身候 蛇身者謂人皮膚上如蛇皮而有鱗甲世謂之
蛇身也此由血氣不潤不通潤於皮膚故也

面胞候 面胞者謂面上有風熱氣生胞頭如米大赤如
穀大白色者是

養生方云醉不可露卧令人面發瘡胞

又云飲酒熱未解以冷水洗面令人面發瘡輕者穀胞
面肝黧候 人面皮上或有如烏麻或如雀卵上之色是

也此由風邪客於皮膚癢飲漬於府藏故生肝黧
養生方云飽食而坐不行步有所作勢不但無益乃使
入得積聚不消之病及手足痺面目梨肝

酒酸候 此由飲酒熱勢衝面而遇風冷之氣相搏所生

故令鼻面生皴赤胞而然也

嗣面候 嗣面者云面皮上有滓如米粒者也此由膚腠受於風邪搏於津液津液之氣因虛作之也亦言因傳胡粉而皮膚虛者粉氣入腠理化生之也

重刊巢氏諸病源候總論卷之二十七終

面皴赤候

小五論

卷之三十八

○目病諸候

凡三十八論

目赤痛候

目胎赤候

目風赤候

目赤爛眚候

目數十年赤候

目風腫候

目風淚出候

目淚出不止候

目膚翳候

目膚翳覆瞳子候

目息肉溢膚候

目暗不明候

目清盲候

目清盲有翳候

目茫茫候

雀目候

目珠管候

目珠子脫出候

目不能遠視候

目瀉候

目眩候

目視一物為兩候

目偏視候

目飛血候

目黑候

目暈候

眇目候眇公縣切

目眇候

睢目候

目眇候

目蜡候蜡音昂

目肥候

目皸瘡候

目膿漏候

目封塞候

目內有丁候

針眼候

割目後除痛止血候

重刊巢氏諸病源候總論卷之二十八

目病諸候

凡三十八論

目赤痛候

凡人肝氣通於目言肝氣有熱熱衝於目故

目胎赤候

胎赤者是人初生洗目不淨令穢汁浸漬於

皆使驗赤爛至大不瘥故云胎赤

目風赤候

目者肝之竅風熱在內乘肝其氣外衝於目

故見風淚出目眦皆赤

目赤爛眦候

此由冒觸風日風熱之氣傷於目而眦眦

皆赤爛見風眩甚世亦云風眼

目數十年赤候

風熱傷於目眦則眦皆赤爛其風熱不去

故皆常赤爛積年不瘥

世類

晴目好金剛土血赤

目風腫候 目為肝之外候肝虛不足為冷熱之氣所于故氣上衝於目外復遇風冷所擊冷熱相搏而令險內結腫或如杏核大或如酸棗之狀腫而因風所發故謂之風腫

目風淚出候 目為肝之外候若被風邪傷肝肝氣不足故令目淚出其湯熨針石別有正方補養宜導今附於後養生方導引法云踞伸右脚兩手抱左膝頭生腰以鼻內氣自極七息除難屈伸拜起去脛中痛痺風目耳聾又云踞伸左脚踏兩手抱右膝生腰以鼻內氣自極七息展左足著外除難屈伸拜起去脛中疼一本云除風目暗耳聾

又云以鼻內氣左手持鼻除目暗泣出鼻內氣口閉自

極七息除兩脅下積血氣

又云端坐生腰徐以鼻內氣以右手持鼻除目暗淚若出閉目吐氣鼻中息肉耳聾亦然除傷寒頭痛洗洗皆當以汗出為度

目淚出不止候 夫五臟六腑皆有津液通於目者為淚若臟氣不足則不能收制其液故目自然淚出亦不因風而出不止本無赤痛

目膚翳候 陰陽之氣皆上注於目若風邪痰氣乘於腑臟腑臟之氣虛實不調故氣衝於目久不散變生膚翳膚翳者明眼睛上有物如蠅翅者即是

目膚翳覆腫子候 此言肝臟不足為風熱之氣所于故於目睛上生翳翳久不散漸々長侵覆腫子

目息肉淫膚候 息肉淫膚者此由邪熱在臟氣衝於目
熱氣切於血脉蘊積不散結而生息肉在於白睛膚臉
之間即謂之息肉淫膚也

目暗不明候 夫目者五臟六腑陰陽精氣皆上注於目
若為血氣充實則視瞻分明血氣虛竭則風邪所侵令
目暗不明

養生方云恣樂傷魂魄通於目損於肝則目暗其湯熨
針石別有正方補養宜導今附於後

養生方導引法云蹲踞以兩手舉足五趾頭自極則五
臟氣編主治耳不聞人語聲目不明久為之則令髮白
復黑

又云 兩足指五息止引腰背痺偏枯令人耳聞聲久行

眼耳諸根無有望礙 **又云** 伸左脛屈右膝內壓之五

息止引肺去風虛令人目明依經為之引肺中氣去風
虛病令人目明夜中見色與晝無異 **又云** 鷄鳴以兩

手相摩令熱以熨目三行以指抑目左右有神光令目
明不病痛 **又云** 東向坐不息再通以兩手中指口唾

之二十七相摩拭目令人目明以甘泉漱之洗目去其翳
垢令目清明上以內氣洗身中令內睛潔此以外洗去

其塵障 **又云** 卧引為三以手爪項邊脈五通令人目
明卧正樓頭下却九引三通以兩手指爪項邊大脈為

五通除目暗患又行令人眼夜能見色為久不巳通見
十方無有劑限

目青盲候 青盲者謂眼本無異瞳子黑白分明直不見

物耳。但五臟六腑之精氣皆上注於目。若藏虛有風邪
痰飲乘之有熱則赤痛無熱但内生翳是腑臟血氣不
榮於睛故外狀不異只不見物而已是之謂青盲。
養生方云勿塞故井及水漬令人耳聾目盲。

又云正月八日沐浴除目盲。

目青盲有翳候 白魚二睛無有損傷瞳子分明但不見
物名為青盲更加以風熱乘之氣不外泄蘊積於睛間
而生翳似蠅翅者覆瞳子上故謂青盲翳也。

目茫茫候 夫目是五臟六腑之精華宗脈之所聚肝之
外候也。腑臟虛損為風邪痰熱所乘氣傳於肝上衝於
目故令視瞻不分明謂之茫茫也。凡目病若肝氣不足
兼胃風痰勞熱則目不能遠視視物則茫茫漠漠也。

若心氣虛亦令目茫茫或惡見火光視見蜚蠅黃魚也
診其左手尺中脉沈為陰陰實者目視茫茫其脉浮大
而緩者此為逆必死其湯熨針石別有正方補養宣導
今附於後。

養生方導引法云雞鳴欲起先屈左手噉鹽指以指相
摩咒曰西王母女名曰益愈賜我目受之於口即精摩
形常雞鳴二七著唾除目茫茫致其精光徹視萬里徧
見四方咽二七唾之以熱指摩目二七令人目不瞑

雀目候 人有晝而精明至晚則不見物世謂之雀目言
其如鳥雀頭便無所見也。

目珠管候 目是五臟六腑之精華宗脈之所聚肝之外
候也。肝藏血若腑藏氣血調和則目精彩明淨若風熱

痰飲漬於臟腑，使肝藏血氣蘊積，衝發於眼，津液變生，結聚狀如珠管。

目珠子脫出候 目是臟腑陰陽之精華宗脈之所聚，上液之道，肝之外候。凡人風熱痰飲漬於臟腑，陰陽不和，肝氣蘊積，生熱熱衝於目，使目睛疼痛，熱氣衝擊其珠子，故令脫出。

目不能遠視候 夫目不能遠視者，由目為肝之外候，腑臟之精華，若勞傷腑臟，肝氣不足，兼受風邪，使精華之氣衰弱，故不能遠視。

目澀候 目，肝之外候也。腑臟之精華宗脈之所聚，上液之道。若悲哀內動腑臟，則液道開而泣下，其液竭者，則目澀。又風邪內乘其腑臟，外傳於液道，亦令泣下，而數

欠泣竭，則目澀。若腑臟勞熱，熱氣乘於肝而衝發於目，則目熱而澀也。甚則赤痛。

目眩候 目者五臟六腑之精華宗脈之所聚也。筋骨血氣之精與脈并為目系，系上屬於腦。若腑臟虛，風邪乘虛隨目系入於腦，即令腦轉，而目系急，則目眩而眩也。

目視一物為兩候 目是五臟六腑之精華，凡人腑臟不足，精虛而邪氣乘之，則精散，故視一物為兩也。

目偏視候 目是五臟六腑之精華，人腑藏虛而風邪入於目，而瞳子被風所射，睛不正，則偏視。此患亦有從小而得之者，亦有長大方病之者，皆由目之精氣虛而受風邪所射，故也。

目飛血候 目，肝之外候也。肝藏血，足厥陰也。其脈起足

大趾之聚毛入連於目系其經脈之血氣虛而為風熱所乘故血脈生於白睛之上謂之飛血

目黑候 目黑者肝虛故也目是臟腑之精華肝之外候而肝藏血腑藏虛損血氣不足故肝虛不能榮於目致精彩不分明故目黑

目暈候 五臟六腑之精華皆上注於目目為肝之外候肝藏血血氣不足則肝虛致受風邪風邪搏於精氣故精氣聚生於白睛之上繞於黑睛之際精彩昏濁黑白不明審謂之目暈

眇候 眇自者是風氣客於臉眇之間與血氣津液相搏使目眇痒而淚出目眇恒濕故謂之眇自

目眇候 目是臟腑之精華肝之外候夫目上液之道

成眇候也
腑臟有熱氣熏於肝衝發於目眇使液道熱澁滯結

睢目候 目是腑臟血氣之精華肝之外候然則五臟六腑之血氣皆上榮於目也若血氣虛則膚腠開而受風風客於臉膚之間所以其皮緩縱垂覆於目則不能開世呼為睢目亦名侵風

目眇候 目者腑臟之精華宗脈之所聚肝之外候也風邪停飲在於臟腑侵於肝氣上衝於眼則生翳擊珠管息肉其經絡有偏虛者擊翳則偏覆一瞳子故偏不見物謂之眇自

目蜡候 蜡自者是蠅蛆目眇成瘡故謂之蜡自

目肥候 肥自者白睛上生點注或如浮萍或如榆莢有

如胡粉色者，有作青黑色者，似羹上脂，致令目暗，世呼為肥目。五臟六腑之精華皆上注於目，為肝之外候。宗脈所聚，上液之道，此由腑臟氣虛，津液為邪所搏，變化而生也。

目胞瘡候 目肝之候也。五臟六腑之精華上榮於目，腑臟有熱氣乘於肝，衝發於目，熱氣結聚，故睛上生胞瘡也。
目膿漏候 目是肝之外候，上液之道。風熱客於眼眥之間，熱搏於血液，令皆內結聚，津液乘之，不止，故成膿汁。不盡謂之膿漏。

目封塞候 目肝之外候也。肝氣通於目，風邪毒氣客於臉膚之間，結聚成腫，腫而臉合不開，故謂之封塞。然外為風毒結腫內，則蘊積生熱，若腫不即消，熱熱留滯，則

變生膚翳，息肉白翳也。

目內有丁候 目肝之外候也。臟腑熱盛，熱乘於腑，氣衝於目，熱氣結聚，而目內變生狀如丁也。

針眼候 人有眼內眥頭忽結成胞，三五日間便生膿汁，世呼為偷針。此由熱氣客在眥間，熱搏於津液所成，但其熱勢輕者，止小小結聚，汁潰熱歇，乃瘥。

割目後除痛止血候 夫目生淫膚息肉，其根皆從目眥染漸而起。五臟六腑之精華上注於目，目宗脈之所聚，肝之外候也。肝藏血，十二經脈有起內眥者，風熱氣乘其臟腑，臟腑生熱，熱氣熏肝，衝發於目，熱搏血結，故生淫膚息肉，割之而傷經脈者，則令痛不止，血出不住，即須方藥除療之。

重刊巢氏諸病源候總論卷之二十八終

卷之三十九

○鼻病諸候

凡十一論

鼻衄候

鼻衄不止候

鼻大衄候

鼻久衄候

鼻艱候

鼻生瘡候

鼻息肉候

鼻窒塞氣息不通候

鼻涕候

鼻痛候

食諸物誤落鼻內候

○耳病諸候

凡九論

耳聾

耳風聾候

勞重聾候

久聾候

耳鳴候

聾耳候

耳疼痛候

耳聾候

耳瘡候

○牙齒病諸候

凡二十一論

牙齒痛候

牙痛候

齒痛候

風齒候

齒齩腫候

齒間血出候

牙齒蟲候

牙蟲候

齒蟲候

齒齩注候

齒蠶候

齒挺候

齒動搖候

齒落不生候

齒音離候

牙齒歷蠶候

齒漏候

齒齩候

拔齒損候

齩齒候

齒黃黑候

--	--	--	--	--	--	--	--	--	--	--	--	--	--	--	--	--

重刊巢氏諸病源候總論卷之二十九

鼻病諸候

凡十一論

鼻衄候 經云脾移熱於肝則為驚衄脾土也肝木也木本尅土今脾熱為土氣翻盛逆往乘木是木之虛不能制土故受脾之移熱也肝之神為魂而藏血虛熱則魂神不定故驚也凡血與氣內榮腑臟外循經絡相隨而行於身周而復始血性得寒則凝溢熱則流散而氣肺之所生也肺開竅於鼻熱乘於血則氣亦熱也血氣俱熱血隨氣發出於鼻為鼻衄診其寸口微弦者衄血寸脈微者寒為是衄血寸脈微弱尺脈溢發熱弱為無血必厥其人微嘔夫厥當眩不眩而反頭痛痛為實下虛上實必衄也肝脉大喜為衄脉陰陽錯而浮必衄血脉

細而數數反在上法當吐而不吐其面觀上小赤眼中
白睛上自有細赤脉如髮其趣至黑瞳子上者當衄病
人面無血色寒熱脉沈弦者衄也衄發從春至夏為太
陽衄從秋至冬為陽明衄連白不止者其脉輕輕在肌
尺中自浮目精暈黃衄必未止若目精了慧如衄今止
脉滑小弱者生實大者死診衄人其脉小滑者生大躁
者死不治也鼻衄脉沈細者生浮大而牢者死
養生方云思慮則傷心心傷則吐衄血

鼻衄不止候肝藏血肺主氣開竅於鼻血之與氣相隨
而行內榮腑臟外循經絡腑臟有熱熱乘血氣血性得
熱即流溢妄行發於鼻者為鼻衄臟虛血盛故衄不止
鼻大衄候鼻衄由氣虛熱故也肝藏血肺主氣而開竅

於鼻血之與氣相隨而行循於經絡榮於府藏若勞傷
過度府藏生熱熱乘血氣血性得熱則流溢妄行從鼻
出者謂之衄其云鼻大衄者是因鼻衄而口耳鼻皆出
血故云鼻大衄也

鼻久衄候鼻衄由熱乘血氣也肝藏血肺主氣開竅於
鼻勞損藏府血氣生熱血得熱則流溢妄行隨氣發於
鼻者名為鼻衄藏虛不復勞熱停積故衄經久不瘥

鼻鼈候肺主氣其經手太陰之脉也其氣通鼻若肺藏
調和則鼻氣通利而知臭香若風冷傷於藏府而邪氣
乘於太陰之經其氣蘊積於鼻者則津液壅塞鼻氣不
宣調故不知香臭而為鼈也其湯熨針石別有正方補
養宣導今附於後

養生方導引法云東向坐不息三通手捻鼻兩孔治鼻
中患交脚蹠坐治鼻中患通脚癱瘡去其涕唾令鼻道
通得聞香臭久行不已微聞十方

鼻生瘡候鼻是肺之候肺氣通於鼻其藏有熱氣衝於
鼻故生瘡也其湯熨針石別有正方補養宜導令附于後
養生方導引法云踞坐合兩膝張兩足不息五通治鼻瘡
鼻臭肉候肺氣通於鼻肺藏為風冷所乘則鼻氣不和
津液壅塞而為鼻鼈冷搏於血氣停結鼻內故變生息
肉其湯熨針石別有正方補養宜導令附于後

養生方導引法云端坐生腰徐徐以鼻內氣以右手捻
鼻除目闇淚苦出徐之閉目吐氣鼻中息肉耳聾亦能
除傷寒頭痛洗之皆當以汁出為度

又云東向坐不息三通以手捻鼻兩孔治鼻中息肉

鼻窒塞氣息不通候肺氣通於鼻其藏為冷風所傷故
鼻氣不宜利壅塞成鼈冷氣結聚搏於血氣則生息肉
冷氣盛者則息肉生長氣息窒塞不通也

鼻涕候夫津液涕唾得熱即乾燥得冷則流溢不能自
收肺氣通於鼻其藏有冷冷隨氣入乘於鼻故使津涕
不能自收

鼻痛候肺氣通於鼻風邪隨氣入於鼻內搏於血氣邪
正相擊氣道不宜故鼻痛

食諸物誤落鼻內候頑頰之間通於鼻道氣入有食物
未及下喉或因言語或因嚏咳而氣則逆故食物因氣
逆者誤落鼻內

耳病諸候

凡九論

耳聾候 腎為足少陰之經而藏精氣通於耳耳宗脈之所聚也若精氣調和則腎藏強盛耳聞五音若勞傷血氣兼受風邪損於腎藏而精脫精脫者則耳聾然五藏六腑十二經脈有絡於耳者其陰陽經氣有相并時并則有藏氣逆名之為厥厥氣相搏入於耳之脈則令聾其腎病精脫耳聾者候頰頰其色黑手少陽之脈動而氣厥逆而耳聾者其候耳內燁之燁之也午太陽厥而聾者其候聾而耳內氣滿

養生方云勿塞故井及水瀆令人耳聾目盲其湯熨針石別有正方補養宜導今附于後

養生方導引法云坐地交叉兩脚以兩手從曲脚中入

低頭又項上冷以塞不能自溫耳不聞聲

又云脚着項上不息十二通必愈大塞不覺暖熱久病冷患耳聾目眩久行即成法法身五六不能變

耳風聾候 足少陰腎之經宗脈之所聚其氣通於耳其

經脈虛風邪乘之風入於耳之脈使經氣否塞不宣故為風聾風隨氣脈行於頭腦則聾而時頭痛故謂之風聾

勞重聾候 足少陰腎之經宗脈之所聚其氣通於耳勞傷於腎宗脈虛損血氣不足故為勞聾勞聾為病因勞則甚有時將適得所血氣平和其聾則輕

久聾候 足少陰腎之經宗脈之所聚其氣通於耳勞傷於腎宗脈虛損血氣不足為風邪所乘故成耳聾勞傷甚者血虛氣極風邪停滯故為久聾

耳鳴候 腎氣通於耳足少陰腎之經宗脈之所聚勞動經血而血氣不足宗脈則虛風邪乘虛隨脈入耳與氣相擊故為耳鳴診其右手脉寸口名曰氣口以前脉浮則為陽手陽明大腸脉也沈則為陰手太陰肺脉也陰陽俱虛者此為血氣虛損宗脈不足病苦耳鳴嘈々眼時妄見光此是肺與大腸俱虛也左手尺中名曰神門其脉浮為陽足太陽膀胱脉也虛者膀胱虛也腎與膀胱合病苦耳鳴忽然不聞時惡風膀胱虛則二焦實也膀胱為津液之府若二焦實則尅消津液尅消津液故膀胱虛也耳鳴不止則變成聾耳

聾耳候 耳者宗脈之所聚腎氣之所通足少陰腎之經也勞傷血氣熱乘虛入於其經邪隨血氣至耳熱氣聚則生膿汁故謂之聾耳

耳疼痛候 凡患耳中策々痛者皆是風入於腎之經也不治流入腎則卒然變脊強背直成瘓也若因痛而腫生癰癩膿潰邪氣歇則不成瘓所以然者足少陰為腎之經宗脈之所聚其氣通於耳上焦有風邪入於頭腦流至耳內與氣相擊故耳中痛耳為腎候其氣相通腎候腰脊主骨髓故邪流入腎脊強背直

耳聾候 耳聾者耳裏津液結聚所成人耳皆有之輕者不能為患若加以風熱乘之則結鞞成丸核塞耳亦令耳暴聾耳

耳蒼候 足少陰為腎之經其氣通於耳其經虛風熱乘之隨脈入於耳與血氣相搏故耳生瘡

牙齒病諸候

凡二十一論

牙齒痛候 牙齒痛者是牙齒相引痛牙齒是骨之所終髓之所養手陽明之支脈入於齒若髓氣不足陽明脈虛不能榮於牙齒為風冷所傷故疼痛也又有蟲食於牙齒則齒根有孔蟲居其間又傳受餘齒亦皆疼痛此則針灸不瘥傳藥蟲死乃痛止

牙痛候 牙齒皆是骨之所終髓氣所養而手陽明支脈入於齒脈虛髓氣不足風冷傷之故疼痛也又蟲食於齒則根有孔蟲於其間又傳受餘齒亦痛掣難忍若蟲痛非針灸可瘥傳藥蟲死乃痛止

齒痛候 手陽明之支脈入於齒齒是骨之所終髓之所養若風冷客於經絡傷於骨髓冷氣入齒根則齒痛若

蟲食齒而痛者齒根有孔蟲在其間此則針灸不瘥傳藥蟲死痛乃止其湯熨針右別有正方補養宣導今附于後

養生方云常向本命日擗髮之始叩齒九通陰呪曰大帝散靈五老反真泥丸玄華保精長存左迴拘月右引日根六合清練百疾愈因咽唾三過常數行之使齒不痛髮不白頭腦不痛

又云東向坐不息四通琢齒二七治齒痛病大張口琢齒二七一通二七又解四通中間其二七太勢以意消息瘥病而已不復疼痛解病鮮白不梨亦不踈離又行不已能破金剛

又云東向坐不息四通上下琢齒二十六下治齒痛

風齒候 手陽明之支脉入於齒頭面有風陽明之脉虛風乘虛隨脉流入於齒者則令齒有風微腫而根浮也其湯熨針石別有正方補養宜導令附于後
養生方導引法云凡人覺脊背皆岢強不問時節縮咽髀內仰面努髀井向上頭左右兩向按之左右三七一住待血行氣動定然始更用初緩後急不得先急後緩若無病人常欲得且起午時日沒三辰如用辰別三七除寒熱病脊腰頸項痛風痺口内生瘡牙齒風頭眩終盡除也

齒斷腫候 手陽明之支脉入於齒頭面有風風氣流入於陽明之脉與斷間血氣相搏故成腫
養生方云水銀不得近牙齒發腫善落齒

齒間血出候 手陽明之支脉入於齒頭面有風而陽明脉虛風挾熱乘虛入齒斷搏於血故血出也

牙齒蟲候 牙齒蟲是蟲食牙又食於齒亦令牙齒疼痛皆牙齒根有孔蟲居其內食牙齒及又度食餘牙齒

牙蟲候 牙蟲是蟲食於牙牙根有孔蟲在其間亦食牙疼痛食牙牙及又度食牙

齒蟲候 齒蟲是蟲食於齒齒根有孔蟲在其間亦令齒疼痛食齒及又度食餘齒

養生方云鷄鳴時常叩齒三十六下長行之齒不蟲蟲令人齒牢

又云朝未起早漱口中唾滿口乃吞之輒琢齒一止過使人丁壯有顏色去蟲而牢齒

又云人能恒服玉泉必可丁壯妍悅去蟲宰齒謂口中唾也

齒齲注候 手陽明之支脉入於齒足太陽脉有入於頰

遍於齒者其經虛風氣客之絡搏齒間與血氣相搏乘則斷熱氣加之膿汁出而臭侵食齒斷謂之齲齒亦曰風齲養生方云朝夕琢齒齒不齲

又云食畢當漱口數過不尔使人病齲齒

齒齲候 齒齲者是蟲食齒至斷膿爛汁臭如屯之收故謂之齲齒

齒挺候 手陽明之支脉入於齒頭面有風冷傳入其脉令齒斷間津液化為膿汁血氣虛竭不能榮於齒故齒根露而挺出

齒動搖候 手陽明之支脉入於齒足陽明之脉又遍於

齒齒為骨之所終髓之所養經脉虛風邪乘之血氣不能榮潤故令搖動

齒落不生候 齒牙皆是骨之所終髓之所養手陽明足

陽明之脉並入於齒若血氣充實則骨髓強盛其齒不落猶能更生若血氣虛耗風冷乘之致令齒或齲或斷落者不能復生

齒音離候 齒音離者是風冷客於齒斷間令齒斷落而

膿出其齒則疎語則齒間有風過之聲世謂齒音離

牙齒歷蠹候 牙齒皆是骨之所終髓之所養也手陽明足陽明之脉皆入於齒風冷乘其經脉則髓骨血損不能榮潤於牙齒故令牙齒黯黑謂之歷蠹

齒漏候 手陽明之支脉入於齒風邪客於經脉流滯齒

根使斷腫膿汁出愈而更發謂之齒漏

齒斷候 齒者骨之所終髓之所養髓弱骨虛風氣客之則齒斷

按齒損候 手陽明足陽明之脉並入於齒按齒而損脉者則經血不止截虛而眩悶

齧齒候 齧齒者是睡眠而相磨切也此由血氣虛風邪

客於牙車筋脉之間故因睡眠氣息喘而邪動引其筋脉故上下齒相磨切有聲謂之齧齒

齒黃黑候 齒者骨之所終髓之所養手陽明足陽明之脉皆入於齒風邪冷氣客於經脉髓虛血弱不能榮養於骨枯燥無潤故令齒黃黑也

重刊巢氏諸病源候總論卷之二十九終

卷之三十一

○脣口病諸候

凡十七論

口舌瘡候

緊脣候

脣瘡候

脣生核候

口吻瘡候

脣口面皴候

兔缺候

口臭候

口舌乾焦候

舌腫強候

嘗吃候

重舌候

懸瘡候

咽喉垂圓候

失欠頰車跳候

數欠候

失枕候

○咽喉心膈病諸候

凡十一論

喉癰候

馬喉癰候

喉中生穀賊不通候

狗咽候

咽喉瘡候

尸咽候

喉咽腫痛候

喉癰候

咽喉不利候

勾鼻候

心癰候

○四肢病諸候

凡十四論

代指候

手足發熱候

手足逆腫候

肉刺候

肉裂候

手足輝裂候輝音軍

尸脚候

足腫候

五指筋攣不得屈伸候

四肢痛無常處候

脚跟頰候

脚中忽有物穿如石如刀錐所刺候

土落脚指內候

脚破候

緊唇候 脾與胃合，胃為足陽明，其經脈起鼻環於唇，其支脈入絡於脾胃。脾胃有熱氣發於唇，則唇生瘡而重。被風邪寒濕之氣搏於瘡，則微腫濕爛。或冷或熱，乍瘥乍發，積月累年，謂之緊唇，亦名潘唇。

唇瘡候 脾與胃合，足陽明之經胃之脈也。其經起於鼻環於唇，其支脈入絡於脾胃。脾胃有熱氣發於唇，則唇生瘡。唇生核候，足陽明為胃之經，其支脈環於唇，入絡於脾。然脾胃為表裏，有風熱邪氣乘之，而衝發於唇，與血氣相搏，則腫結，外為風冷，乘其結腫，不消則成核。

口吻瘡候 足太陽為脾之經，其氣通於口。足陽明為胃之經，手陽明為大腸之經，此二經脈並夾於口。其府藏虛為風邪濕熱所乘，氣發於脈，與津液相搏，則生瘡。恒

濕爛，有汁，世謂之肥瘡，亦名鷺口。

唇口面皴候 唇口面皴者，寒時觸胃，風冷折腠理，傷其皮膚，故令皴。腠理經絡之氣，諸陽之會，皆在於面。其脈有環唇夾於口者，若血氣實者，雖勁風嚴寒，不能傷之。虛則腠理開而受邪，故得風冷而皴。腠理也。又冬時以暖湯洗面，及向火外，假熱氣動於腠理，而觸風冷，亦令病皴。

完缺候 人有生而唇缺，似兔唇，故謂之完缺。世云由婦人妊娠時見兔及食兔肉，使然。

口臭候 口臭由五藏六府不調，氣上冒，高然。府藏氣膠腐不同，蘊積胃高之間而生。於熱衝發於口，故令臭也。養生方云：空腹不用見臭，氣入脾舌上白黃，起口常臭也。

口舌乾焦候 手少陰心之經也其氣通於舌足太陰脾之經也其氣通於口府藏虛熱氣乘心脾津液竭燥故令口舌乾焦也診其右手寸口名曰氣口以前脉沈為陰手太陰肺之經也其脉虛者病苦少氣不足以息盛乾無津液故也又右手關上脉浮為陽足陽明胃之經也其脉虛者病苦唇口乾又左手關上脉浮為陽足少陽膽之經也其脉實者病若腹中滿飲食不下咽乾

舌腫強候

手少陰為心之經其氣通於舌足太陰脾之經其氣通於口太陰之脉起於足大指入連舌本心脾虛為風熱所乘邪隨脉至舌熱氣留心血氣壅滯故舌腫舌腫脉脹急則舌腫強

人五藏六府稟四時五行之氣陰陽相扶剛

柔相生若陰陽和平血氣調適則言語無滯吐納應機若陰陽之氣不和府藏之氣不足而生寒言吃此則稟性有關非針藥所療治也若府藏虛損經絡受邪亦令語言寒吃所以然者心氣通於舌脾氣通於口脾脉連舌本邪乘其藏而搏於氣發言氣動邪隨氣而于之邪氣與正氣相交搏於口舌之間脉則否澀氣則壅滯亦令言寒吃此則可治

重舌候

舌心之候也脾之脉起於足大指入連於舌本心脾有熱熱氣隨脉衝於舌本血脉脹起變生如舌之狀在於舌本之下謂之重舌

懸癰候

懸癰為音聲之閉也喉嚨氣之所上下五藏六

府有伏熱上衝於喉咽熱氣乘於懸癰或長或腫

咽喉垂倒候 喉嚨者氣之所上下也五藏六府呼吸之

道路府藏有風邪熱氣上衝咽喉則腫垂故謂之垂倒

失欠領車蹉候 腎主欠陰陽之氣相引則欠諸陽之筋

脈有循領車者欠則動於筋脈筋脈挾有風邪邪因欠

發其急疾故令失欠領車蹉也

數欠候 腎主欠而腎為陰也陽氣主上陰氣主下其陰

積於下者而陽未盡陽引而上陰引而下陰陽相引二

氣交爭而挾有風者欠則風動風動與氣相擊故欠數

失枕候 失枕頭項有風在於筋脈間因卧而氣血虛者

值風發動故失枕

咽喉心胃病諸候

凡十一論

喉痺候

喉痺者喉裏腫塞痺痛水漿不得入也人陰陽

之氣出於肺循喉嚨而上下也風毒客於喉間氣結蘊

積而生熱吹喉腫塞而痺痛脉沈者為陰浮者為陽若

右手關上脉陰陽俱實者是喉痺之候也亦令人壯熱

而惡寒七八日不治則死其湯熨針石別有正方補養

宜導令附于後

養生方導引法云兩手拓兩頰手不動樓肘使急腰內

亦然住定放兩肋頭向外肘轉腰氣散盡勢大悶始起

來去七通去喉痺

又云

一手長舒合掌仰一手捉頰挽之向外一時極勢

二七左右亦然手不動兩向側勢急挽之二七去頸骨

急強頭風腦旋喉痺轉內冷注偏風

馬喉痺候 馬喉痺者謂熱毒之氣結於喉間腫連頰而微壯熱煩滿而數吐氣呼少之為馬喉痺

喉中生穀賊不通候 穀賊者木裏有短穗而強澁者是也誤作米而人食之則令喉裏腫結不通令風熱氣在於喉間與血氣相搏則生腫結如食穀賊者也故謂之喉中生穀賊不急治亦能殺人

狗咽候 喉內忽有氣結塞不通世謂之狗咽此由風熱所作與喉痺之狀相似但俗云誤吞狗毛所作又云治此病者以一搏飯共狗分食便瘥所以謂之狗咽

咽喉瘡候 咽喉者脾胃之候也由脾胃熱其氣上衝喉咽所以生瘡其瘡或白頭或赤根皆由挾熱所致

尸咽候 尸咽者謂腹內尸蟲上食入喉咽生瘡其狀或

痒或痛如甘蜜之候

喉咽腫痛候 喉咽者脾胃之候氣所上下脾胃有熱熱氣上衝則喉咽腫痛夫生腫痛者皆挾熱則為之若風毒結於喉間其熱盛則腫塞不通而水漿不入便能殺入藏氣微熱其氣衝喉亦能腫痛但不過重也

喉癰候 六府不和血氣不調風邪客於喉間為寒所折氣壅而不散故結而成癰凡結腫一寸為癰二寸至五寸為癰

咽喉不利候 府藏冷熱不調氣上下哽澁結搏於喉間各吐不利或塞或痛故言咽喉不利

心痺候 思慮煩多則損心慮故邪乘之邪積而不去則時害飲食心裏悞々如滿蘊々而痛是謂之心痺診

其脉沈而弦者心痺之候也

胃痺候 寒氣客於五藏六府因虛而發上衝胃間則胃痺胃痺之候胃中怫懣如滿噎塞不利習々如痒喉裏澁唾燥甚者心裏強否急痛肌肉若痺絞急如刺不得俛仰胃前皮皆痛手不能犯胃滿短氣欬唾引痛煩悶自汗出或微背脊其脉浮而微者是也不治數日殺人其湯熨針石別有正方補養宜導今附於後
養生方云以右足踐左足上除胃痺食熱嘔

四肢病諸候

凡十四論

代指候 代指者其指先腫焮々熱痛其色不黯然後方綠爪申邊結膿極者爪申脫也亦名代申亦名糟指亦名土蓋竈一作夫爪甲筋之餘也由筋骨熱盛血氣溢不通

故腫結生膿而爪申脫

手足發臃候 人手足忽然皮厚溢而圓短如繭者謂之臃

臃 此由血氣沈行不榮其表故皮溢厚而成臃

手足逆臃候 手足爪申除皮剝起謂之逆臃風邪入於

腠理血氣不和故也

肉刺候 脚趾間生肉如刺謂之肉刺肉刺者由著靴急

小趾相揩而生也

肉裂候 肉裂者皮急肉圻破也由腠理虛風邪乘之與

血相衝擊隨所擊處而肉圻裂也

手足皴裂候 皴裂者肌肉破也言冬時觸冒風寒手足

破故謂之皴裂

尸脚候 尸脚者脚蹠圻破之名也亦是冬時觸犯寒氣

所以然也言脚踏死屍所卧地亦令脚坊破

足腫候 腫病者自膝已下至踝及趾俱腫直是也皆由

血氣虛弱風邪傷之經絡不澁而成也亦言江東諸山
縣人多病腫云彼土有草名腫草人行誤踐觸之則令
病腫

五指筋攣不得屈伸候 筋攣不得屈伸者是筋急攣縮

不得伸也筋得風熱則弛縱得風冷則攣急

四支痛無常處候 四支痛無常處者手足支節皆卒然

而痛不在一處其痛處不腫色亦不異但肉裏掣痛如
錐刀所刺由體虛受於風邪風邪隨氣而行氣虛之時
邪氣則勝與正氣交爭相擊痛隨虛而生故無常處也

脚跟頰候 脚跟頰者脚跟忽痛不得著地世呼為脚跟頰

脚中忽有物字如石刀錐似所刺候 言脚下有結物字

鞣如石痛如錐刀所刺此由腎經虛風毒之氣傷之與
血氣相擊故痛而結鞣不散

七落脚趾內候 此由脚趾先有瘡而土落瘡裏更令瘡

腫痛亦令人增寒壯熱

脚破候 脚破者脚心坊開也世謂之脚破脚心腎脉所

出由腎氣虛風邪客於腠理致使津液不榮故坊破也

重刊巢氏諸病源候總論卷之三十終

Blank page with faint bleed-through from the reverse side and a small handwritten mark at the bottom center.

Handwritten text in vertical columns, enclosed in a rectangular border. The text is mostly illegible due to fading and bleed-through. A small rectangular box is visible on the left side of the page, containing some characters.

